

永樂北藏



永樂北藏

趙樸初題



永樂北藏第一一九冊目錄

○三彌底部論 三卷 失譯人名附三秦錄 (畫八—十) …………… 一

○阿毗曇八捷度論 三十卷 苻秦僧伽提婆共竺佛念譯 (彩一—靈十) …………… 四七

○成實論 二十卷 姚秦鳩摩羅什譯 (本冊卷第一至卷第六 丙一—六) …………… 七〇七

成無記心其以何業往生答曰有業記心感
業往惡道無感記心白業往善道體性記心
以是故隨行以無記心起無記業為業制故
往生如是是故行無隔若眠若問若無心死
行制故往業通此二段語顯相應第三段語
顯不失
彼業自作自業自作者何義答受義故自業

業受生四處此欲界死欲界生有處往中間
有處受中間有如是若欲界處若色界處第
一處第三處異生可說如是從欲界中間有
受欲界中間有從欲界中間有受色界中間
有如是此欲界死受生中間有如是如是第
三處從色界中間有受色界中間有如此我
等死受中間有如是

三彌底部論卷上

畫八

失譯人名今附三秦錄

歸命一切智我從此語如是是人臨欲死時
成無記心其以何業往生答曰有業記心惑
業往惡道無惑記心白業往善道體性記心
以是故隨行以無記心起無記業為業制故
往生如是是故行無隔若眠若悶若無心死
行制故往業道此二段語顯相應第三段語
顯不失
彼業自作自業自作何義答受義故自業

者何義答分義何以故不往他故是生何以
故方便故是行處何以故由彼故是不滅何
以故受故此顯現故此世作業不滅故由報
業受生四處此欲界死欲界生有處往中間
有處受中間有如是若欲界處若色界處第
一處第三處異生可說如是從欲界中間有
受欲界中間有從欲界中間有受色界中間
有如是此欲界死受生中間有如是如是第
三處從色界中間有受色界中間有如此我
等死受中間有如是

云何世尊聲聞從中間有受中間有非凡夫
云何爾須陀洹從此七生七死受天中間有
住彼作斯陀含果證是其從天中間有受人
中間有住此作厭欲界證是其從人中間有
受色界中間有是其住彼中間般涅槃地作
向一從彼入別中間有於此處而般涅槃如
是聲聞過四中間有有諸部說家已斯陀含
斯陀含人中間有處至一間地處度人中間
其如是如是從欲天受欲天如是可知
有人捨五陰生有處受五陰中間有處如是

一切我從此語今當說
云何我有我捨此有受彼有若爲
問曰何所疑答曰見先師意互相違故生疑
有諸部說實無我唯陰處是我何以故苦起
而已故世尊語迦旃延唯苦生唯苦滅滅
彼但見苦起而已故知諸部見無有我如是
復次何義說言無我答無說故世尊又語先
尼梵志如師所見法諦實說無我世尊言如
是見者是名爲師是名爲多陀阿迦度阿羅
訶三藐三佛陀是我所說彼諸部見無說故

是故無我如是

復次何義說無我答自見其身故世尊說言
無聞無知凡夫見色是我我亦是色色在我
中我在色中如是四種四陰亦如是若有我
者不應自捨其身見五陰是其體譬如有人
自捨其身取提婆達多身見爲其身見其身
是提婆達多其身中有提婆達多提婆達多
中有其身如捨其眼根取提婆達多眼見象
才見爲其知見而非其見是故無我如是
復次何義說言無我答我我所不可得故世

尊告諸比丘若有我者即有所若有我所
即有我我及我所諦實不可得是故無我彼
諸部見我我所不可得故是故無我如是
復次何以故說無我答不實言有故如富樓
那語諸比丘長老佛所說法甚爲難測於無
物中有我佛自言我亦有如是長老我但知
此語不測深旨如是不實言有故知諸部見
不實義故是故無我如是
又諸部說不可言有我所言無我何以故
答我相不可言故若有我者可說如行行相

可說如無爲無爲相可說如是我我相可說
彼諸部見我相不可說故是故有我無我不
可說如是

復次何以故有我無我不可說答直置問記
故何以故問記有四種一者一問直記二者
先詰然後記三者反問而記四者直置不記
今者問我直置不記是故不可言有我不可
言無我如是
復次何以有我無我不可說答定異合故若
有我便應可說爲是行爲異行爲是無爲異

無爲此二種說旣不定是故不可言有我不
可言無我如是

復次何以故有我無我不可說答常無常合
故若有我可說爲是常爲無常此二種說應
必有定而不定是故不可說言有我不可說
言無我如是

復次何以故有我無我不可說答有無中依
止故佛告迦旃延世間依二種亦依有亦依
無以是故執有執無是故有我無我不可說
如是

又諸部說實有我何以故語縛故佛言是色痛想行識繫縛從此世度彼彼諸部見繫說縛故是故有我如是

復次何以故有我答正見故佛言有人見化生故正見彼諸部見正見故是故有我如是復次何以故有我答佛說四念故佛言觀見身受心法若無我無可見四法彼諸部見佛說四念故是故有我如是復次何以故有我答佛說聲聞故佛言有人事火自炙其身勸人自炙以是故佛說有人

如是若無人自無炙亦無他可炙彼諸部見佛說有人是故見有我如是

復次諸部何故說有我答一人出世多人得安樂生故佛語諸比丘一切功德人生在世間多人得安樂故若無人誰生功德是諸部見一人生故是故有我如是

又諸部說五陰是人是我問曰何以故答說界門故佛語比丘六界門六觸是人彼諸部見佛說六界門六觸是人故是人如是復次何以故是人無異人答佛說外國有最

上人修多羅等故佛言我所說是最上女人若白若黑若青若細滑若方若長若短若細腰若肥即是人更無異人如是又佛語比丘有人見一比丘可憎若短若僂若蹠如是復次佛說我天眼見衆生可愛可憎等如是復次說彼地獄人如燒積薪燒地獄人亦復如是前所說最上女人等及見比丘可憎佛見衆生可愛可憎乃至燒地獄人如燒積薪等但是五陰是人更無異人是諸部見佛說陰是人故是人如是

又諸部說人異五陰何以故答如擔重擔人故佛言重擔是五陰擔者是人如是以是故人與陰各是故人與陰異如是復次何以故人異陰佛言人取愛爲其第二久遠輪轉是故人與愛異以是故人與陰各如是復次何以故人與陰各答受業果故佛說偈言
世世樂歡喜 異世樂欣然 作福二處歡
自見其業淨 此世業報竟 來世復應受

陰壞墮業往 更受異陰身

彼諸部見受業報故是故人與陰各如是

復次何以故人與陰各答是我說故佛說我
前世時作轉輪聖王名曰善見亦名大天以
是故今受新陰前我不異是故人與陰各如
是

復次何以故人與陰各答無記處說故佛言
陰無常不說人無常有時說陰是無常相有
時說陰是常相以是故常相異無常相異是
故人與陰各如是

又諸部說人是常何以故答無本故人不應
生死中行如佛所說生死無本衆生輪轉生
死源本不可知如是是故人無本若人無本
亦無其末是故人常如是

復次何以故人常答憶過去世故佛言憶一

六

六

生乃至憶過去無數劫生陰壞雖流轉生死
而人不壞彼諸部見憶一生乃至憶過去無
數劫生故是故人常如是

復次何以故人常答說處故佛言渡彼岸住
彼地名婆羅門如是佛復言旣已渡彼岸更

不復還如是佛復說渡彼岸者住彼處不墮落既至彼岸無復憂惱如是若人見渡彼岸者住彼處不墮落無憂惱故是故人常彼諸部見佛說處故是故人常

復次何以故人常答至不動樂故佛說偈言

如是正解脫 渡欲淤泥流 智者莫能測

得至無動樂

彼諸部見佛說至無動樂故是故人常以是人至不動樂無陰故是人不可知處是故人常如是

又諸部說人無常問何以故答有本故佛語比丘有一人生為一切人安樂如是若有生有其本若有本有其末是故人無常如是

復次何以故人無常答佛說語新故佛言新

生天好顏色端正威德新者無常法名新是

故人無常如是

盡八

七

復次何以故人無常答倒法故佛言波斯匿

王雖為人王異世時倒如是若有倒法成無

常是故人無常

復次何以故人無常答落生故涅槃常不落

不生依佛說言我見衆生落生以是故依佛說落生是故人無常

復次何以故人無常答生老病死法故佛言我是無數四部衆善知識以生死故來至我所得脫生生死老病死是無常法是故人無常如是是故從此修多羅以爲本有說無實我如有言不可說有我如有說有我如是是故我等生疑然爲當實有我爲假設而已以是故有說五陰是我有說我異五陰有說常有說無常如是是故我等生疑

問曰云何人捨此有更受異有答如修多羅意教化力可知五盛陰成人以爲實人以五盛陰成人以爲實人故不可言人常無常如是難曰前章所說無我爲首各有所執云何解釋今得開解答如前所說若起而已無我如是我等今說苦者苦生滅是苦性佛欲顯示苦性語迦旃延言苦生生苦滅滅我相生滅不可言是故佛說如是復次如前所說無說故無我如是我等今說我等相從信故如佛爲外道說雖有我是假

名我不實說我依有漏陰佛見去來法說是
我非實我如佛說依行行故受名是故佛說
說名我如是

復次如前所說自見其身故無我如是我等
今說答曰無明所覆五陰無我謂為我如新

故言人

生無知小兒見餘母人謂為其母五陰無我
謂為我亦復如是故佛所說如是

復次如前所說無我我所不可得故如是
我等今說答曰佛說依不自在我我所實住
不可得如是為他所制者不名自制若自制

者不名他制是故斷自他制不斷我如是
復次如前所說不實言有故無我如是我等
今說答不實有故不實與無法共合無而言
有此言難信是故斷無言有不斷我如是
如諸部前所說相不可說故不可說有我無
我如是我等今說曰我常無常相等不可說
有我等可說如佛說有人自炙身等一切
復次如佛說無聞無知凡夫以惡業為相聰
明之人以善業為相是故諸部語不可依如
是

如諸部前所說有我無我直置問不記故如是我等今說問不相應故是故直置相應故不直置如佛記無知凡夫人不善聰明人善是故諸部語不可依如是

如諸部前所說有我無我不可說定異故如是我等今說若我驗者應是行爲異行如是正說爲是行爲異行應說是故應遣諸部語不可依如是

如諸部前所說有我無我不可說常無常故如是我等今說若我有無中可說成斷見常

見若依此二見佛所不許若言無人者成過不記之類此言不可何以故若言無人者是名邪見若言有人者是名正見是故有人可說如修多羅中說若言無人名爲邪見若言有人名爲我見若言有者是其常無常故若如此者行或常無常故若同有有者行無常無爲常人不如是同有不同常無常應可知如是

如諸部前所說有我無我不可說有無中依止故如是我等今說若都無我佛不應說有

依止是佛說有依止故是故有我可說如是
如諸部前不說有我語縛故如是我等今說
無人可縛而有縛如王獄縛雖無人而有縛
有結如有繩有結無繩無結如是無我而有
語縛如是

如諸部前所說有我正見故如是我等今說
依有漏陰佛說有人以人見有人故名爲正
見如是

如諸部前所說有我佛說四念故如是我等
今說佛語迦旃延唯心而已欲顯身受心法

故說唯心而已成諸法更無異如是

如諸部前所說有我佛說聲聞故如是我等
今說聲聞說處依止法聲聞說而已更無異
如諸部前所說有我有說故如是我等今說
佛說有人假名是故是其朋無我若實無我
不成殺生殺者亦無所殺亦無偷盜邪姪妄
語飲酒亦如是如是無我若無我者五逆亦
無縱任諸根無起善惡者無縛無解縛者亦
無所縛亦無作者亦無業亦無報若業無者
果報亦無業果報無者亦無生死而衆生以

業果報輪轉生死若無生死者生死因亦無
若無因者因滅亦無若因滅無者趣道亦無
如是四諦亦無若無四諦亦無佛說四諦若
無佛者亦無有僧如是無人者三寶四諦亦
無如是諸說並所不應以是故無人者成上
諸過後過亦生若有人有我者上所說無過
如佛說修多羅真應當知是故實有我
如諸部前所說五陰是人是我界門故如是
我等今說若人命我異是修多羅不顯有我
為陰是我我是陰若陰是我陰可說我不可

說若我是陰我可說陰不可說亦可兩可說
非五陰是我如是

如諸部前所說人異五陰如擔重擔人故如
是我等今說依擔故說有擔若我異陰壞時
起時我亦起亦滅如斫身一分我亦應一分
如是一分成多分一分多分還成一隨身存
時命亦隨存命存時身亦存是故陰即是我
是語可遣如是

如諸部前所說人異陰取愛為其二故如是
我等今說若人正見無疑如人有愛繫縛輪

轉生死佛欲顯示佛言人取愛爲其第二長處生死愛斷時無復輪轉是故我不異陰如是

如諸部前所說人與陰各受業果故如是我等今說依有漏生死此生來生受其果報是故人與陰不各

復次如諸部前所說人與陰各是我說故如是我等今說依度說佛言我過去無數阿僧祇劫時曾爲頂生王是故人與陰不各如是復次如諸部前所說人與陰各不記處說故

如是我等今說陰我異不異不可說是故法相以常無常爲首不可說我亦不可說若我異陰者佛言我異身異佛所不記修多羅所不明若我異陰者亦可在陰中亦可徧一切處若在陰中斫身時破身時我應可見如蚊在優曇婆羅果中破優曇婆羅果時蚊可見我在陰中亦復如是若我異身今熱觸身我不應覺知

復次若挑眼時倍應見物如是諸根壞時聲香味觸等亦應覺知如是